

**Pak Lah perjelas kenyataan tentang dakwaan rogol  
Malaysiakini.com  
January 9, 2011**

Bekas perdana menteri Tun Abdullah Ahmad Badawi hari ini menjelaskan bahawa beliau hanya membuat kenyataan berhubung dakwaan rogol terhadap seorang menteri semalam, kerana beliau hanya baru mengetahui mengenai dakwaan itu.

Katanya beliau tidak berkata apa-apa sebelum ini kerana tidak dimaklumkan mengenai dakwaan itu.

Abdullah berkata beliau memberi maklum balas semalam kerana media bertanya mengenai dakwaan itu yang tersiar dalam beberapa laman blog yang mendakwa Menteri Penerangan Komunikasi dan Kebudayaan Datuk Seri Utama Dr Rais Yatim telah merogol bekas pembantu rumahnya pada 2007.

Bekas perdana menteri itu berkata beliau tidak menyatakan perkara-perkara lain dan mahu menghindarkan diri daripada rujukan-rujukan lain dalam laporan awal yang memetik beliau berhubung dakwaan itu.

Jumaat lalu, bekas pembantu rumah Rais menafikan dakwaan rogol itu.

- Bernama

Copyright © 1999-2007 Mkini Dotcom Sdn. Bhd.  
Source : <http://www.malaysiakini.com/news/152916>